



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1857**

CLI. Markgraf Ludwig der Römer sichert der Neustadt Salzwedel in Betreff  
des Gewandschnittes dieselben Rechte zu, welche die Altstadt bisher  
genossen hat, am 10. Mai 1353.

---

---

**Nutzungsbedingungen**

[urn:nbn:de:hbz:466:1-54909](https://nbn-resolving.org/urn:nbn:de:hbz:466:1-54909)

vsem liuen bruder hern Lodewiche vnd sinen eruen blyuen. Mit orkunde desses briues, De gegeben is tu Soltwedel, na godes gebord dritthein hundert Jar, dar na in dem zwei vnd vestigsten Jare, an vnser vrowen daghe der Lichtmessen.

Nach dem Originale des Salz. Archives.

CL. Heinrich von Zeze überläßt dem Georgs-Hospitale in Salzwedel Gebungen auß dem Dorfe Kuffim, am 17. Mai 1352.

Ego Hinricus Jedicz, famulus, ad vniuersorum et singulorum presentes literas intuentium, audientium seu legentium Cupio peruenire, quot matura prehabita deliberacione omnium meorum heredum et amicorum ad hoc requirendorum, vendidj et dimisi necnon presentibus vendo et dimitto hospitali Sancti Georgii prope Ciuitatem soltwedel viginti quinque modios siliginis in villa kuffim, videlicet in Curia Thyderici prefecti ibidem sex modios siliginis, in Curia hinrici dicti hente nouem modios cum dimidio siliginis et in curia Godekini nouem modios cum dimidio siliginis, in quibus propria mea persona hinricum mechow, Ciuem in soltwedel, nomine predicti hospitalis inuestiui corporaliter, quiete, pacifice et comodosse possidendos et perpetuis temporibus annis singulis integraliter subleuandos, quos volo et debeo predicto hospitali warandare, vt iuris est, et ab omni iusta impetitione, quandocunque et quotienscunque oportunum fuerit, penitus liberare. In cuius testimonium luminosum meum sigillum appensum est huic scripture. Datum anno domini M<sup>o</sup>. CCC<sup>o</sup>. LII<sup>o</sup>., feria quinta ante dominicam vocem Jocunditatis, presentibus discretis viris Johanne, plebano in scernekow, henekino laurencii, thyderico prefato et villanis in kuffim, specialiter ad premissa vocatis et rogatis.

Nach dem Original im Archiv der Stadt Salzwedel, Fach 39, No. 8.

CLI. Markgraf Ludwig der Römer sichert der Neustadt Salzwedel in Betreff des Gewand-schnittes dieselben Rechte zu, welche die Altstadt bisher genossen hat, am 10. Mai 1353.

Cum secundum variationem temporum acta sepius etiam uariantur humana; expedit igitur ea literarum serie memorialiter in suo robore stabiliri. Quamobrem nos Lvdovicvs Romanvs, Dei gratia marchio Brandenburgensis et Lusatie, sacri Romani imperii archicamerarius, comes palatinus Rheni et Bauarie dux, publice protestamur in his scriptis, quod prudentibus et discretis uiris ciuitatum nostrarum antique et noue Soltwedel consulibus fidelibus nostris dilectis, in nostra ac consilii nostri presentia constitutis, utriusque etiam ciuitatis literis uisis ac sanius intellectis, ipsis ab illustribus Principibus predecessoribus nostris nec non a Lvdovico seniore, fratre nostro charissimo, marchionibus Brandenburg. datis et indultis, ad sedandam contentionem et omnem discordie rancorem, iam dudum inter predictarum ciuitatum consules, super Incisione Pannorum, minus amicabiliter continuatum, fidelium ac consiliariorum nostrorum et aliarum ciuitatum nostrarum con-

fulum maturo prehabito confilio et deliberatione, secundum literarum utriusque ciuitatis continentiam finaliter decernendo statuimus et ab utriusque ciuitatis predictae tam presentibus, quam futuris inhabitatoribus uniuersis inuolabiliter obseruari, Sic precipimus et mandamus, quod ipsa uidelicet ciuitas noua Soltwedel in Incidendo Pannos, super quo inter ipsas ciuitates hactenus altercatio, ut premititur, uertebatur, omni commodo iure, priuilegio, consuetudine et honore omnibus modis et conditionibus, nil addendo uel diminuendo, frui et gaudere de cetero debeat, quibus et ipsa ciuitas antiqua Soltwedel in premissis fruitur et utitur quouis modo. Vt igitur omnia et singula prenotata in suo robore conferuentur et inconuulsa, nostro ac heredum nostrorum nomine firmiter mandamus et presentes dari fecimus sigilli nostri appensione et munimine firmiter communitas, presentibus nobili uiro Ottone Went, domino in Heburgh strenuisque uiris Petro de Trutenbergh, nostro marschalco, Iohanne Pincerna de Vlechtingen, militibus, nec non honorabili uiro Ludolfo preposito in Soltwedel, Wernero et Henrico de Schulenborch, Gunthero et Guntzelino de Bertensleue, et Nycolao Bismargk, cum ceteris pluribus fide dignis. Datum Stendal, anno Domini millesimo trecentesimo quinquagesimo tertio, feria sexta ante festum Pentecostes.

Nach dem Original des Salziv. Archives XIV, 20.

CLII. Der Knappe Gerhard von Kerkow verkauft der Gewandschneider-Gilde in Salzwedel einen Hof in Schernikow, am 30. Dezember 1353.

Ego Gherardus, dictus de kerkow, famulus, presentibus recognosco protestans lucide uniuersis, quod prehabita matura deliberatione vendidi et dimisi nec non vendo et dimitto per presentes discretis uiris hinrico mechow et Johanni wicken, magistris gylde pannicidarum antique ciuitatis soltwedel, ad manus et vsus eiusdem gilde vnam curiam sitam in villa Schernekow, in qua nunc resident henningus hynrekes et Ebelingus hynrekes fratres, cum uniuersis et singulis suis prouentibus et attinenciis, agris cultis et incultis, pratis, pascuis, siluis, nemoribus, aquis et aquarum decursibus, nec non cum omni iure supremo et infimo infra sepes, sine quauis impetitione pacifice libere et quiete temporibus perpetuis possidendam, quemadmodum ipsam usque in hodiernum diem habui et possedi. In cuius rei firmiter testimonium meum sigillum presentibus est appensum. Datum Anno M<sup>o</sup>. CCC<sup>o</sup>. LIII<sup>o</sup>., feria secunda ante festum dominice circumcissionis.

Nach dem Original im Stadtarchiv zu Salzwedel, Fach 14, No. 18.